

ASUNTO: Vixencia dos convenios asinados antes da entrada en vigor da Lei 40/2015 e non tiveran establecida duración.

Por parte da Secretaría Xeral remítese, para o seu informe, a consulta referenciada no epígrafe.

En relación coa consulta formulada, emítese o seguinte

INFORME:

A disposición adicional octava apartado primeiro da lei 40/2015, de 1 de outubro, de Réxime Xurídico do Sector Público relativo á adaptación dos convenios vixentes, dispón:

“Todos los convenios vigentes suscritos por cualquier Administración Pública o cualquiera de sus organismos o entidades vinculados o dependientes deberán adaptarse a lo aquí previsto en el plazo de tres años a contar desde la entrada en vigor de esta Ley.

No obstante, esta adaptación será automática, en lo que se refiere al plazo de vigencia del convenio, por aplicación directa de las reglas previstas en el artículo 49.h).1.º para los convenios que no tuvieran determinado un plazo de vigencia o, existiendo, tuvieran establecida una prórroga tácita por tiempo indefinido en el momento de la entrada en vigor de esta Ley. En estos casos el plazo de vigencia del convenio será de cuatro años a contar desde la entrada en vigor de la presente Ley”.

Por unha banda, a disposición adicional octava obriga adaptar os convenios vixentes ao disposto na lei 40/2015, de 1 de outubro, de Réxime Xurídico do Sector Público nun prazo máximo de tres anos a contar desde a entrada en vigor de dita lei.

Por outra banda, contén un pronunciamento expreso en relación á vixencia dos convenios existentes que non tiveran prazo de vixencia determinado ou tiveran establecido prórroga tácita por tempo indefinido. Nestes casos, o prazo de vixencia do convenio será de catro anos a contar desde a entrada en vigor da lei.


Dado que a adaptación automática prevista na lei refírese só á vixencia dos convenios, non facendo ningunha mención a unha posible prórroga dos mesmos,

nos leva a entender que o prazo máximo de vixencia dos convenios existentes sería de catro anos dende a entrada en vigor da lei, sen posibilidade de prórroga.

Este é o parecer desta Asesoría Xurídica, que gustosa somete a outro máis fundado.

Vigo, 14 de marzo de 2017


A Letrada



Cristina Piñón García

V. e pr.

A Xefa de Servizo da Asesoría Xurídica



M^a José Pousa Crespo

SECRETARÍA XERAL